

*Item*, el dito, per un'altra letera, scrive zercha quelle fabriche quello à fato, e narra tutto per ordine; la qual letera poi fo leta in Pregadi, et la copia sarà posta qui avanti.

66

*Exemplum**Die XII Aprilis MDXV.**Serenissime etc.*

Per servare la promessa per avanti facta a Vostra Serenità, che de tre in tre mesi dinoteria a quella el successo de queste fabriche, essendo passati li secundi tre mesi, li notifico che, *cum* la gratia del nostro Signor Dio, el ponton de la porta Altilia esser compito come el die star, *solum* li manca le piere vive de le bombardiere de sopra, che el maestro taiapiera de Venexia mi stenta a mandarle. Le qual venute, in zorni quattro sarà fornita: è una de le belle cosse che habia la Italia; veramente cossa marevegliosa et molto bella da veder. Et per altre mie, dissi eh'el mancava una parte a compirlo: hora che l'ho compito, afermo a Vostra Serenità che li do terzi del lavor de questo bastion, intra dentro da li muri maestri, ho fato far dentro via case mate 7 lavorate *cum* grandissimo ordine, che per scale in vólto soto terra *cum* grandissima facilità si ponno intrar et uscir, et condur le artegliarie dentro et fuori *cum* grandissima facillità. Et aziò la Serenità Vostra faci coniectura de la qualità de quelle, sono intrate in vólto et sexti a far li soi fondi tavole M. VI, zoè 1600; ha de pien de terren passa 7 per bande; la grosseza del muro vien esser passa 10 e mezo; el tondo de fuoravia circuisse passa 42; le ale da una banda sono passa 43, da l'altra banda passa 44 e mezo; da una banda a l'altra de fuora da li muri *cum* el vacuo dentro sono passa 68; el vacuo dentro dal pien del tondo è passa 48; el muro che sostien el terren avanti la muraglia maistra, per circuito sono passa 89. Ma sopra tuto, è stato una fatica incredibile el bater del fondamento che à bisognado far a sustentar la muraglia de una casamata, et el vólto de la porta che ense fuora de la terra, che è acaduta a far nel fosso vechio, che de sopra tuto è pieno de terren, dove è stà batudo pali 204, che volta de grosseza 3 pie' et 3 e mezo, i longi 5, 6 et 7 pie' l'uno; che veramente è stato cossa maravegliosa et de grandissima fatica. El muro che sostien el terren *cum* el suo fondamento, è alto pie' 20 *cum* li so' pilastri dentrovia. El fondamento da basso comenza pie' 6 de grosseza, vien sminuendo fino a la

sua alteza de grosseza fin pie' 2, è stà lavorato *cum* tute le misure e forteze è possibile. Et aziò Vostra Serenità sapia quanta muraglia è questa facta dentro da li muri maestri, ho fato redur a muro de una piera, sono passa 3965. El suo fosso intorno è largo passa 19, li manca un pocho che in zorni 8 se compierà subito che le aque sarano calate; questo è quanto mi ocore circa a dicta porta de l'Altilia.

El ponton de Santa Maria, el qual è mazor de questo, è levado de sora dal cordon. Vero è ch'el taiapiera *cum* tute le sollicitudine mie possibile se porta mal, ch'è ancor non me lo ha mandato tuto; *tamen* non se resta de lavorar. Et per dar noticia a Vostra Serenità *cum* una sola parola, la grandezza de questo ponton *cum* le sue ale, per ogni corso de piere vol miara 31 e mezo; consideri Vostra Serenità s'el bisogna piere. Anderà alto piè' 26; meterò tuto el mio poter atorno questo per redurlo a perficion. El fosso *etiam* de questo in pochi zorni sarà compito, et questo ancora è pien de terra fin al cordon. Restami a chiarir a Vostra Serenità la scarpa del muro per me principiada, che zà fu biasemata et ditto esser opera persa. Hora che ho mandato lo inzegner *cum* el disegno a lo illustre signor capitano, sua signoria à fato novo pensier, et la ha reduta in tanto proposito et comodo, che non è possibile dir potesse star meglio. Fo anche biasemà haver le fondamente strette a la grosseza de lo alzar del muro; mi perdonerà chi biasema questa opinion, perchè la fundamenta de questa muraglia va tanto basso quanto el fondo del fosso, et è de grosseza de circha pie' 7, poi vien suso per modo, che sublevado pie' 5 se comenza ingrossar sopra una banda de terren fermissimo, et alzado tanto, dove puol esser butada artigliarie; el muro è grosso pie' 10, et cussi grosso va fino al cordon; *cum* la soprascrita banca sarà alto in tuto pie' 24. Questo ordine de fondar ho tenuto, sicome è stà fatto ne li do pontoni soprascritti, nè de niente ho varià; questo sarà *etiam* compido, spero, per la festa de missier San Marcho Evanzelista. Questa ala de scarpa è longa, fino al presente, passa 53; veniva a esser fornida in mancho de mesi 2 lavoranti; è stata vista per lo illustre signor Emo, per el secretario domino Piero da Longena et altri valenti homeni in simel e perciò per tuti è stà summamente laudata; ha de spalto de driedo de terren passa 6, per tuti giudicato cossa fortissima. La occasion de far questa scarpa è stato la ruina de le mure fece questa invernada passada, che me à apparso meglio spender in ben et far cossa durabile, che serar de spalto quella apertura che haria durato

66\*